

東臺縣志卷之十二 考六

學校 書院 社學

郡縣稱學肇漢元始川嶽鍾才胥興於此宏遠規模豐隆禮祀棟宇維新育爾多士文母掩行用先明體

聖治光昭菁莪蔚起志學校

學宮 在縣治東南五鋪乾隆四十一年知縣涂躍龍

建 先是分縣後越八年尚無學宮邑中舉人孫喬年歲貢錢青田季鐸夏溶范素廩膳生周泰來繆蓮舟楊鏢王子章附生練瑤縉杜鳳翥職員徐德和崔之楓湯玉源監生吳秉義金墉施有融劉恒吉等呈請捐建儒學其略曰東邑濱處海隅分隸未久規模尙缺學校宜崇昔時雖建有社學數楹堂構不周

東臺縣志 卷之十二 學校

牆非數仞生等幸歌芹藻心儀鼓篋之衣冠忝附宮牆欲效園橋之觀聽惟是駿奔在廟未覩璧水櫺星釋奠隨班莫由禮門義路創建之議已歷有年都緣頻逢災歉聚沙之積難成茲幸屢慶豐亨集腋之謀可遂人皆同志情本樂輸敢云尅日程功正可乘時創始卜吉巽方占宜離向佇看泮水從公士敦禮讓行見辟雍觀德民尚淳龐伏冀扶持文教培植海邦賜文申詳轉求憲允俾得鳩工庀材擇吉營作功垂金石重摹韓勅之碑名重鼎彝復續魯僖之頌知縣涂躍龍嘉其意詳請報可費白金萬餘兩越歲乃成

大成殿四楹

東西廡各十楹

戟門四楹

櫺星門 以石爲之

泮池 在正南宮牆內方廣十步

宮牆 在泮池外正南迤北接櫺星門有門東西向左
曰金聲右曰玉振餘皆繚以周垣嘉慶十四年西南
角牆圯知縣姚兆昌訓導許士模繕修

崇聖祠四楹

東西配殿各兩楹

土地祠 在崇聖祠東今圯遷主於訓導宅

名宦祠 在戟門外西向

鄉賢祠 在戟門外東向

儒學門四楹

明倫堂四楹 嘉慶三年知縣王逢源捐養廉銀倡建

東臺縣志

卷之十二

學校

二

前訓導吏部員外郎吳昌齡科目題名記曰科名之
重豈不以其人哉進士貢士之名見於禮經三代時
已然雖論秀書升與設科取士古今之制有殊顧德
行所以規素履辭藝所以驗心聲處為良士者即出
為良臣制不同而取士之義無不同也我

國家重熙累洽野無遺賢鄉會則

恩

恩科與正科疊舉明經則

恩貢較正貢有加膠庠之士靡不彈冠相慶而况維揚人

物之邦生其間者當何如奮勉以仰副

朝廷之雅化乎東臺於乾隆三十三年分治弟子員額
取十名在揚郡為小學然余自戊申司鐸茲邑見夫
歌鹿鳴而舉於鄉者文武兩闈相繼不絕竊與邑之
人慶氣運之蒸蒸日上也因舉分縣以前之膺是選
者稽諸舊志而列以題名分縣以後亦次第登焉後
之人考其姓氏溯其生平某也為名卿某也為碩彥
科名之不忝與否桑梓開不皆有定評乎我知鼓篋
而游黌序必有觀之而勃然興者

嘉慶三年戊午十二月望日記

訓導宅 在明倫堂後別有門西向內外約三十餘楹

有門堂有齋有寢有庖滷之屬

其餘若尊經閣敬一堂樂器庫祭器庫各典制未備者皆議續建

康熙十四年

御書萬世師表雍正三年

御書生民未有乾隆五年

御書與天地參嘉慶六年

御書聖集大成皆敬謹摹刻額懸於大成殿

大成殿中祀

至聖先師孔子木主位正中南向東西四配復聖顏子述聖

東臺縣志

卷之十二 學校

三

子思子東配西向宗聖曾子亞聖孟子西配東向

東哲先賢

閔子損

冉子雍

端木子賜

仲子由

卜子商

有子若

西哲先賢

冉子耕

宰子子

冉子求

言子偃

顓孫子師 朱子熹

東廡從祀先賢

蘧瑗

澹臺滅明

原憲

南宮适

商瞿

漆雕開

司馬耕

梁鱣

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人

郟 鄭國

原亢

廉潔

叔仲會

公西輿如

邽巽 陳亢 琴張 步叔乘 秦非 顏增 顏
何 縣直 樂正克 萬章 周敦頤 程顥 邵
雍

東廡從祀先儒 公羊高 伏勝 董仲舒 后蒼

杜子春 諸葛亮 王通 范仲淹 歐陽修 楊

時 羅從彥 李侗 呂祖謙 蔡沈 陳淳 魏

了翁 王栢 趙復 許謙 吳澄 胡居仁 王

守仁 羅欽順

西廡從祀先賢 林放 宓不齊 公冶長 公皙哀

高柴 樊須 商澤 巫馬施 顏辛 曹卹 公

東臺縣志 卷之十二 學校 四

孫龍 秦商 顏高 壤駟赤 石作蜀 后處

公夏首 奚容蒧 顏祖 句井疆 秦祖 縣成

公祖句茲 燕伋 樂欬 狄黑 孔忠 公西

蒧 顏之僕 施之常 申棖 左邱明 秦冉

牧皮 公都子 公孫丑 張載 程頤

西廡從祀先儒 穀梁赤 高堂生 孔安國 鄭康

成 毛萇 范甯 韓愈 胡瑗 司馬光 尹焯

胡安國 張栻 陸九淵 黃幹 真德秀 何

基 陳澹 金履祥 許衡 薛瑄 陳獻章 蔡

清 陸隴其

崇聖祠內祀 肇聖王木金父公正中南向 裕聖王
祈父公東一室南向 貽聖王防叔公西一室南向
昌聖王伯夏公東二室南向 啟聖王叔梁公西二
室南向

配祀先賢 顏氏無繇 孔氏鯉 俱東配 曾氏點 孟

孫氏激 俱西配

東廡從祀先儒 周氏輔成 程氏珦 蔡氏元定

西廡從祀先儒 張氏廸 朱氏松年

以上位次俱由

欽定凡祭

東臺縣志

卷之十二

學校

五

先師則先期行禮不用樂

名宦祠祀 宋許國公文靖呂夷簡 觀文殿學士元

獻晏殊 魏國公忠獻韓琦 乾州刺史張綸 資

政殿學士文正范仲淹 鄭國公富弼 江淮制置

發運使胡令儀 御史中丞孔道輔 參知政事清

獻趙抃 諫議大夫曾致堯 鄂王忠武岳飛 信

國公文天祥 明左僉都御史袁繼咸 泰州知州

成樂 王臣 李裕 崔國裕 黎堯勳 李學旻

泰州同知王思旻 泰州學正王傅 泰州訓導

簡籍

國朝總督傅臘塔 刑部尚書王士正 左副都御史

郎亮五 巡撫趙福星 學政張泰交 余正健

邵嗣堯 張容端 按察司副使李培真 兵備道

周亮工 泰州知州趙汲 施世綸

鄉賢祠祀 明處士王良 深州學正王棟 處士王

襲

祭器 銅簋一 銅簠一 銅劍一 犧尊一 象尊

一 銅罍一 銅勺一 銅爵十五 嘉慶二十一年訓導許士模監

生姚懋才續置爵十有二 簋一百八 豆一百八 篚八 銅鼎

一 銅燭臺二 祝版一

東臺縣志

卷之十二

學校

六

樂器 黃麾旛二注於干有跗 應鼓一有跗 鼗鼓

一有跗 龍笛二 銅簫二 搏拊鼓一 祝一

一 編鐘十六枚合一簠 編磬十六枚合一簠

鳳笙二 鳳簫二 琴一有几 瑟一有几 箎

一 塤一 管二

舞器 黃錦旌二注於干有跗 翟十六 籥十六

書籍碑版

欽頒卧碑一通

聖諭廣訓十六條

御製先師贊先賢顏曾思孟四子贊

御製兩金川碑十冊

御製改教詩四函

御製文廟碑十冊

御製訓飭士子碑文十函

聚珍板書一部

禮部則例三部

御製文二集二函

十二冊

又一函

十二冊

科場條例一部

又新例一部

又新例一部

御製論二篇

二冊

國子監則例一本

佩文詩韻四部

大清會典一部

欽定子史精華

缺九十一至九十五卷

欽定四庫全書考證

缺經部二十二卷

東臺縣志

卷之十二

學校

七

學額

廩膳生十名

三年貢

增廣生十名

附學生無數

每逢歲科兩試額取入十名

舊有商籍竈籍乾隆十四年裁汰凡商竈生

員改歸民籍

乾隆四十二年奉

旨廣額

一名四十六年廣額一名

四十九年廣額二名

嘉慶元年奉

年奉

旨廣額二名二年廣額三名六年廣額三名

武童歲科并

試額取六名

先是分縣文童取進十二名武童取進七名乾隆三

十四年江蘇學政景福奏此次歲試揚州府屬壽泰

州送考文章四百九十餘名東臺縣文章止一百六十餘名泰州武童四十餘名東臺縣武童僅十三名多寡懸殊若照原議取進未免不均請將泰州文章取進十五名東臺文章取進十名泰州武童取進九名東臺武童取進六名經部覆奉

旨依議

按商竈籍明萬厯年間實由運司送考揚郡商籍額取十四名竈籍額取六名共二十名附揚州府學

國朝順治十六年禮科雷一龍請裁各省衛學商學經撫按漕三院會題揚州商竈籍附入郡學亦無官俸

東臺縣志

卷之十一

學校

八

廩糧與科議歸併府州縣之議相符部覆准行乾隆四十四年三月大學士阿桂等會議各省商籍查明人數多寡酌減入學名額編爲鹵字號取中復經江蘇巡撫楊魁查鄉試報考人數不敷另編字號奏請併入民籍取中禮部議奏

國家恤商恩例自當按人數多寡設額今江淮商籍生童扣除不合例者應考祇有一人是商之親子弟侄并無讀書應考之人已可概見入學舊額應行裁汰其有情願改歸本籍者准其呈明改歸本省鄉試廩增照例改爲候廩候增與本籍考案新舊補照原食

餼年分出貢其實有田廬墳墓在江南與入籍之例相符者准其呈明於居住之州縣入籍竈籍原與各該州縣土著無異應歸於各該州縣民籍考試以後如果人文日盛不妨再請設額奉

旨允行嘉慶二十年奉

旨通查商竈籍議覆現在核辦

學田 由秦州分隸秦州東臺兩學公同經理學田田畝住址額收租籽額解司庫銀數 一秦州蓮花池四百七十二畝內於康熙三十七年丈勘實田四百四十五畝每年徵收夏租小麥六十六石六斗五升

東臺縣志

卷之十二

學校

九

大麥四石秋租稻一千八十三秤二十三斤黃豆一石二斗 一秦州南山寺城腳園田七十二畝每畝徵租銀二錢 一秦州泮池東園田四畝二分每畝徵租銀二錢 一東臺蔡家堡秧田一百畝每畝徵租銀五分 一秦州淤溪鎮旱田三十二畝每畝徵租銀五分 一秦州楊家莊旱田十一畝四分三釐 一秦州姜堰鎮旱田五十一畝 一秦州朱宣塋旱田五十五畝每畝徵租銀一錢五分 一秦州西溪鎮園田十七畝每畝徵租銀五分 一東臺雁蕩莊秧田二十畝

每畝徵租銀五分

以上共田十宗在泰州一畝原辦條銀八兩一錢六分漕米七石三斗二升五合每年額解司庫銀一百二十九兩一錢一分二釐耗銀十二兩九錢一分一釐

續捐學田於乾隆四十二四十四等年詳准開冊移送

支廟以作歲修開支動用 一李四裕捐枋茶場李家堡竈地荒熟田三十二畝每年納鹽平銀六兩四錢扣納折價銀七錢 一張于竹捐李家港荒田十畝每

東臺縣志

卷之十二

學校

十

年納租錢一千二百 一程大恕捐承典三王莊田畝贖回另買光孝莊熟田八十畝每年租稻一百二十秤完地丁銀一兩四分三釐漕米一石三斗四升三合

鄉場卷燭田產 一盧芳有捐枋茶場荒熟田一業每年租錢十六千 一仇世臣捐何梁場上官亭草蕩每年租錢十千

晏溪書院 在縣治西南西溪鎮與南風亭相對宋晏元獻公殊讀書處也遺跡久廢無存

泰東書院 在縣治西門內明萬曆十八年分運周公

汝登特建延東臺葛雷何梁朱緯爲會長偕各場好
修之士講學其中四十七年巡鹽御史龍公遇奇增
式廓焉 國朝康熙五十七年分司丁世隆重修今
廢

分運丁世隆重修泰東書院碑記曰泰東書院者明
分運周君汝登所建也東臺居中十場之首隸於泰
田無學故周君起而建之奉

命分運

茲土願瞻書院已大半棄諸藜莽中殿無完楹廡無
完瓦茂草披迷溢於周道雖祀事尚仍其舊而所謂
講貫肄業者已邈不可得地與人之荒穢弗治也久
矣東臺於兩淮海濱之極區也地烏鹵民竈雜居秀
頑雜出唯是名山大川勝蹟芳蹤概乎未有以故清
淑之氣蓄而未洩而文學者每遜於他郡雖范文正
胡文定後先興起而流風餘韻又不免日久而衰而
幸有周君倡爲書院俾謁

東臺縣志

卷之十二

學校

十一

聖

有所講學有方而今又敗壞而不葺然則明倫致道之
所係不幾憂歎蓋嘗論人無智愚唯教之從今之
人動以敦詩說禮稱鄉魯矣見其賓賓焉雍雍焉人
道德而家禮義夫孰知術序黨塾之地修明切究以
相與漸摩陶淑者深也予之來此猶幸書院之未盡
廢也爰捐俸重葺鳩工庀材門殿堂寢制凡若干楹
仍其舊者十之一合約財費千金經始於丙申秋八
月越四月而告成嗟乎泰東之人昔之日亦有以科
甲名世者矣今數十年來賢書南宮之產闕然無聞
豈真氣運使然不可挽歟或亦書院之廢而不舉爲
之歟余故述其廢墜之迹本其山川風俗之繇及教
化鼓勵之效而願與泰東之人羣焉肅將其中爭白
瑛磨砥文礪行而使光氣熊熊上衝斗斗也夫興廢
舉墜以樂育人材司土之責也爰記以示其後焉

南沙書院

在縣治東南柈茶易先是明大使周鑛設

社學於五賢祠

國朝乾隆十年大使姚德璘改設

於場署西范公堤舊址遂有今名五十九年大使沈

鈞重修

西溪書院 在縣治東南五鋪先是縣治書院久廢乾隆三十四年知縣王玉成假慈濟寺西樓爲講堂學舍捐養廉銀延荆溪王浩課生徒尋去事遂止嘉慶七年知縣徐崇炯循其舊延如皋吳文祥主之十年冬水災監賑官知江陰縣事師承祖倡義勸捐邑人蘇林蘇榕遵其父學遺命出白金千有一百購葺姓屋二十四間地址十八畝建爲書院以西溪名之十六年蘇榕姜德新捐銀二百兩置椅案六十副二十一年知縣周右分司單壯圖議定月課章程因

東臺縣志

卷之十二

學校

十二

書院未有膏火經費生童不能住院至於應課亦屬寥寥今定以每年二月開館十一月終散館每月初二日官課在公署知縣分司輪流主之榜發其名列優等及上取者酌送獎賞銀有差十六日爲師課在書院山長主之

江寧布政使康公基田西溪書院碑記曰東臺爲海陵分縣乙丑秋大水民人蕩析離居流徙過半邑人蘇林蘇榕捐多金以贖其鄉人之困於水者旣又以邑自析置後書院規制未備諸生講學無所其故父蘇學曾議建置學舍宗仰范文正公監西溪遺風取名西溪經營久之欲成其事而未及行遺命繼成之林榕遵命解囊慨助千金邑之紳士集腋襄成啓館有日矣余嘉蘇氏昆仲能繼事完其孝思予圖以表其心夫孝廣矣大矣善所事終身行之達於天地一節之偶合於義奚足概其生平然人一念之善

久而自發其光若有掖之使行者通於神明也由是擴而充之始於事親終於立身廣教化美風俗又非持一身一家之事矣今之篤於粉榆恤災患以助所不及卽擴充之一端也書此以勵其行 前訓導吏部員外郎吳昌齡碑記略曰東邑爲吳陵分壤壇壝學校秩然皆備惟書院未之創邑侯徐公崇炯延師課士以不獲經費造舍假館寺宇者數載國子生蘇若學天性醇厚篤桑梓誼遇歲饑輒捐金煮賑全活甚衆病革時屬其子林榕祀曰書院之興吾欲倡捐久矣惜時不我子爾等宜續圖之嘉慶乙丑秋江陰師明府承祖以監賑分循東邑公暇與徐侯集紳士以籌建書院林等恪守遺命請諸當專輸白金千有

東臺縣志

卷之十二

學校

三

發不可羈繼茲會遇徐侯提唱宗風蘇君獨成盛舉豈非斯邦之幸歟然余爲東邑幸更爲蘇君幸夫宇宙有志之士出則膏澤斯民勲業當代處則敦篤行誼垂資鄉里二者事異而功則同然有志焉而力或不逮力逮矣而後嗣子孫或不能相其力而成其志則未如何耳蘇君非席祖父之厚業辛苦勞積竟獲遺多金以遂其樂善之願又得克肖之子肫肫然承父志脫手千金而無所吝惜所謂有志竟成者乎人或謂其父難其子不難噫吾見素封子弟貪嗇者無論已聞有輕財好義無過慕任俠之風以恣其揮霍而於賑恤濟施之實念毫無所關林等以乙丙兩歲縣境被水登災又相繼捐千金助糶承志可謂箕裘之承肖者矣余計鐸斯邦十有八年得與都人士昕夕論文累科鄉舉不乏其人而士之肄力舉業者文境皆駸駸日上自此得所棲止以時肄業得以鼓吹休明騰達

皇路

或亦蘇君倡捐之意所由勸歟時以上游保薦赴部臨行爲是記并記厚望云

書院田

一徐彭年捐徐家汊田十二畝

一劉青標

捐卞家莊秧田十畝 一金華捐冷家厓灰埽 一
 徐仁榮捐練家窰等處盤鐵灰埽每年租價鹽平銀
 三十二兩每年納正額折價銀十兩八錢九釐 一
 周兆鉅捐萬家舍荒田十畝每年納租錢一千二百
 文 一周楚珩捐華譚莊熟田五畝每年納租十秤
 應納地丁銀九分三釐漕米一斗二升 一嘉慶十
 二年二月職員繆桂捐耕茶場河北坊雷公壩河南
 園田六畝每年租錢六千文 一十七年州同楊賡
 堂監生楊維新捐水陸秧田九十八畝計田一坵二
 十六坵價二千千每年夏租六十千秋租九十千
 一十七年監生朱勝彭嚴忠良捐熟墩莊水陸熟田
 一百五十八畝每年夏租太麥十六石秋租稻六十
 五石 一十八年監生蔣宏構捐何梁新園熟田二
 十一畝每年租錢五千 一十八年監生蘇榕續捐
 書院東園田一坵連前地租共十九千 一二十年
 丁大嵐捐富安場丁家莊永富園葛家坵西熟田六
 十畝計田二段東一段二十四畝西一段三十六畝
 每年租錢十六千 一焦錦章捐丁溪熟田十七畝

院長題名

上 浩 荆溪縣
 諸生

吳文祥如舉縣人乾隆乙卯舉人

按鹽法志書院自宋元以來其主講或命於朝或辟於行省謂之山長乾隆三十年十一月欽奉高宗純皇帝諭旨定稱院長凡在省會例當開奏下此所司以達於大吏用朱彝尊洞霄宮題名之例列次其人

社學 一在縣治西南明宏治三年分司徐鵬舉建今

圮

徐鵬舉社學訓詞曰為民者父慈而教子孝而箴兄愛而友弟敬而順夫和而義妻柔而正姑慈而從婦聽而婉為臣而忠交友而信男女有別子弟有學言必忠信行必篤敬心術必正威儀順則衣服遵制飲食有節德業相勸過失相規貧窮患難相救婚姻死喪相助母聽婦人言母爭競長短母酣飲酒母鬪狠賭博母用僧道母惰農業母欠糧課母學私販母尚奢侈母肆姦淫母作盜賊母好訟事母倚尊凌卑母以幼犯長母以惡凌善母以富吞貧行者讓路耕者讓畔則禮義攸臻刑憲不犯身家常保矣

東臺縣志

卷之十二 學校

十五

一在縣治西舊泰東書院右明萬曆十八年分司周

汝登建後圮 國朝康熙乾隆間兩修 嘉慶二年

運判巴彥岱倡修 十七年邑人姜本德等修 二

十一年邑人姜本德等重修

河南學政汪士鋐重修東臺場社學碑記曰周禮三物之教自鄉而興育德茂材至為該備自宋以來惟國建學旁及郡邑其舉於鄉隅者益寡東臺轄於秦州而地廣人稠才俊所集特立

文廟創於明萬曆開修於本朝康熙丙申距今乾隆壬申幾四十年風雨摧蝕木腐垣頽郡丞分運兩陳公合謀興復乃令場使張君典其事經始夏仲閱二月竣工余任海陵來遊東臺瞻拜宇下宮牆煥新啓聖祠明倫堂莫不具舉因嘉歎蒞斯土者之留心樂育

可預期人才日盛治化彌隆為低徊者久之場使張君余戊午分校京兆所得士也以文字相知之雅請余作記勒碑以告來者郡丞陳公景淳號省齋秀水

縣鄉進士揚州府東臺水利同知分運陳公名克鏞號仁齋海鹽縣鄉進士泰州分司鹽運判場使張君名永貴號羽廷奉天正白旗舉人揀選知縣管東臺場事其督工捐輸士商氏名例載碑陰茲不具書系之以詩曰東臺廟學先民所作英俊翔雲賢豪薦鶚有其舉之繼繩以恪修廢及時衆情踴躍兩公協謀輝煌花萼委寄得人力前勿卻愈仰張君比絲受絡肇定規模爰塗丹雘頌還舊觀弗侈弗略濟濟羣才式歌且考化洽菁莪行伸尺蠖士氣軒揚蘊深磅礴仰止巖宮傾枕木鐸視此刻文尙其厲鏗

一在何梁場明宏治二年分司徐鵬舉建 嘉靖五

年副使謝相修 國朝乾隆十七年大使舒應龍修

五十八年大使陳公衡捐養廉銀邑人繆壽金瑤董

事修建 嘉慶二十一年邑人金撰等重修

海陽汪永聰重修何梁場社學碑記曰昌黎有言自天子至郡邑守長通得祀而徧天下者惟社稷與孔

東臺縣志

卷之十二

學校

六

子爲然故今自京師首善地而省會而郡邑莫不建學奉

聖先師唯謹其舉於鄉隅者則自前明洪武十八年詔天下場鎮各立社學始此何梁場文廟之所由來也

蓋當

國家右文士之游於學者口盛雖盡禁郡邑學其中散處鄉隅遠者百里近者四五里釋菜講學或不能盡赴誠不若鄉隅分建俾得以時習禮其閒而各盡其誠敬也雖然下令之初建者不一處歲久漸就廢弛而何梁一隅地獨敬守勿替詎非蒞斯土者之加意養育而此邦人士崇師重道致有足嘉乎按場志

廟初在場東

國朝順治丁亥始移今址時因初創規制未宏雍正乙卯攝場篆胡公作肅欲恢而大之捐俸倡修厥功未竟繼任王公克任踵而成焉顧瀕海潮潤不二十年牆歛木蠹傾圯堪虞場使舒公謁廟之餘進諸十商而諭之曰是豈所以妥聖靈而嚴祀事乎是余責也當力任之請於水利分司兩陳公成加獎勸於是諸士商聚而言曰吾儕皆官牆中人也是豈惟公責也且公清俸所入幾何獨以累公踴躍捐輸各視其力

庀材鳩工綽有餘裕經始於乾隆癸酉二月閱九旬
工竣輪如奘如一改舊觀余適游茲地樂觀厥成深
歎諸公之加意養育不愧前人而諸士商之崇師重
道涵濡有自將千古如一日也垂示方來俾知保蕙
曷可無記舒公以見屬且告余曰始事之難前賢之
功蓋未可沒也東園之廟創於明宏治二年拓於宏
治十三年嘉靖萬厯年間代有工作主其事者為分
司徐公鵬舉巡鹽史公載德副使謝公相分司周公
汝登廟故未有碑請據志而悉登之余於是又歎舒
公之仰企前徽不遺人善如此他若公之潔已奉公
惠商恤竈仰承兩陳公德意為斯場普無窮利者不
具書水利陳公名景淳號省齋浙江秀水縣鄉進士
分司陳公名克鉉號仁齋浙江海鹽縣鄉進士場使
舒公名應龍號協飛直隸任邱縣鄉進士諸捐輸姓
氏例得備書
碑陰是為記

一在丁溪場明宏治年分司徐鵬舉建萬厯十八年
分司周汝登增建 一在草堰場明嘉靖年重葺萬

東臺縣志

卷之十二

學校

七

歷十八年分司周汝登擴之四十七年巡鹽御史龍
遇奇修今存後堂三楹 一在舊小海場明嘉靖四
年大使田彥真重建尋圯萬厯中分司周汝登增置
屋宇今廢

小海大使林正青社學議曰鹽場之有社學自明宏
治二年判官徐鵬舉分治十場場置一學選賢良方
正者一人充教讀又自為經訓一編以諭之其制中
為講堂左右為翼舍後為懋堂室旁為庖前為外門
而繚之以周垣越十二年御史史載德又補缺典墜
運使畢亨親定其教事小海社學七楹嘉靖乙酉大
使田彥真重建圯廢後分司周公汝登建大門一楹
正堂三楹後堂三楹又後廂房三楹址南北二十二
弓東西十弓年久復廢雍正七年草堰大使曹辰宗
即其故址改作文廟後為明倫堂雖社名不立然有
聖人以為之師不啻射者之示人以鵠也人倫明於
上小民親於下庠序學校皆所以明人倫也豈必區

區立社之名始為有學哉乙卯春予方受事小海仰
觀殿角蕭然起敬遊歷明倫堂及講堂二處又俯然
以思二場士子孰非盛世秀民乃上不能致君澤民
垂功名於竹帛次不能砥躬礪行樹坊表於里閭因
循委靡風俗日薄人才不振是誰之過也夫有堂有
室何以不絃誦有成人才不振是子何以師道不立有社
田累陌連阡何以不隆俎豆不佐膏火而飽私家之
囊粟夫風俗當極壞之餘有其振之不患不歸於厚
人才即寥落之日有其倡之不患勢處其孤取前人
已成之基業一經提撕靈府為之復舊若謂凡人不可
之天良一經提撕靈府為之復舊若謂凡人不可以
為堯舜海濱不可以為鄒魯未敢以為信也時署草
堰李君植與予同心毅然以為當行適協丈丁溪草
蕩囑余先定其規模昔昌黎公蒞潮慮潮人不知學
舉邑人趙德為之師而文風丕變今尚未得其人如
趙德者而弟子不可一日無師先檄行二場報名入
冊擇吉入學予與李君植主師席每月朔望俱請講
堂出入進退儀注一定可以觀禮先一日訂講章一
條筆記數則端寫揭之堂壁本日令諸生聲音洪亮
者莊誦一遍共相講解如有問難不妨前詢果能教

東臺縣志

卷之十一

學校

六

學相長益見化澤旁流逢十則課文藝定其甲乙黏
之壁閒立賞格以鼓舞之諸生有日夕在學肄業者
量給燈火之資又舉長學二人凡祭祀講學租石收
支一應事務皆由提調俟訪得人品端方學問優長
者聘人師席則子與李君退居主位然此其大略也
至於流品既清學行既正則謹人禽之分清義利之
界密存養省察之功由濂洛關閩以至於涑泗尚有
上達一層憶予昔時侍儀封張清恪公泊行麓峰講
席預聞其說尚能為諸生誦之此時未遑遽也爾諸
生年富力強具有用之聰明果潛心於修己治人之
道則達為盛世之名臣窮亦為里黨之善士深為二
場厚望之也且士為四民之首風俗之轉移係焉慈
孝友恭足為民法將與仁興讓不約而同 一在梁
唐虞三代之風予兩人將樂觀厥成也

梁場明嘉靖七年大使王舉副使李隆重建萬曆二

十六年分司周汝登擴而葺之四十七年巡鹽御史

龍遇奇重建 國朝乾隆年修 一在安豐場明萬

歷十七年分司周汝登重建巡鹽御史龍遇奇修
廢 一在富安場明嘉靖六年竈民吳大成捐地公
建萬歷十七年分司周汝登增置屋宇今廢 一在
角斜場鹽課司西明天啓五年分司徐光國准本場
士民之請祀范張胡三賢於敷教堂中 國朝乾隆
五十四年場大使王寶階移置富家灘延師課讀原
設社田五十畝新增商人汪瑤圃捐田二十二畝邑
人湯玉澄捐田四十畝 一在枏茶場鹽課司側明
嘉靖二十四年大使周鑛祀周程張朱五氏於中曰
五賢堂萬歷十八年分司周汝登葺而新之增建敷
教堂

東臺縣志

卷之十一

學校

十九

義學

在梁塋場新橋巷內嘉慶十三年邑人程兆楊
建塾師束修暨生徒紙筆費每年計捐二百金

按書院社學義學皆黨塾之遺存廢不一悉錄場
志附於簡末以見昔之官斯土者願多士爭自琢
磨永保勿替常思所以振興而鼓舞之也

社田

一縣治東社學水田六十畝在十里舖河南西
社學水田三十畝旱田八畝俱在南門外皆分運周
汝登置自後鹽御史龍遇奇新增水田五十畝旱田

七畝在郭家堡對河 一何梁場凡三段共田五十

三畝七分又五十四畝乾隆四十五年生員姚炎同

從子玉鳴捐置 一丁溪場九十七畝陸田一段在

場南水田一段在場西南年久荒蕪無人執業興化

縣里長代輸國課 一草堰場一百九十三畝坐落

場西北水陸共二段 一舊小海場共三坵一段二

百畝三分坐落袁家竹院又二段共二十畝坐落南

橋西 一舊白駒場一百三十畝 一梁梁場旱田

四十五畝坐落元明觀後水田一百畝坐落康家灣

按鹽法志場冊載梁梁社田本一百七十四畝舊志
止載一百四十五畝失載二十九畝又隄東天鵝草

東臺縣志

卷之十二

學校

二十

蕩田四百畝係六十總憲生監公捐入社
學以供春秋丁祀相沿已久舊志亦未載 一安豐

場水田二坵其一坐落西寺後計四十八畝其一坐

落關河口計三十六畝旱田十八畝坐落梅家河東

一富安場五十二畝在月塘灣南止范公隄北止官

路東止朱界西止周界分運周汝登置又十畝在西

場小西湖四面俱止河明萬曆四十七年鹽院龍遇

奇置 一角斜場計二區共五十畝其一二十畝在

官河南東止官河西止吳界南止舊河北止官河其

三十畝在舊河南東西止潘界南止吳界北止舊河

又社田六十二畝商人汪瑤圃竈戶湯穎川公捐

一 耕茶場凡三一 在場東北繆家堡一 在場西北許
溪前一 在場通濟坊街南 按鹽法志社
田五十畝

社店 一 縣治東學店五間在分司前西學店八間在
東學前 一 何梁場計四間在東臺大街 按鹽法志
社房五楹

一 丁溪場三間在崇真觀西分司周汝登建 一 富
安場四間在司東米市分運周汝登置歲納房租二
兩五錢 按鹽法志
社房四楹 一角斜場店三間房七間俱在

東臺場分司西街南市口

以上采中十場志而與鹽法志有異同者亦錄之
今各場社學久廢其田租為士子鄉試卷燭費居

東臺縣志 卷之十二 學校 三

多惟存餼羊之名而已

古者教化之行觀乎庠序今縣邑學宮創制備
其闕者亟謀次第修舉而祭器樂器庫首重焉至
經籍存貯所以資諸生誦讀也尊經閣敬一亭暨
齋舍皆未建藏度無所講習無地所賴乎邑人之
興斯舉者可少緩哉

